

温州市图书馆

雪松集诗集 卷

共 1 册 存 1 册 排架号 07241

同治甲戌重刻
樂善堂藏板

序

雲松巢集者樂清朱先生希晦所賦咏也先生家瑤川世有令德自幼嗜學勵行有志于古人元季遭海內亂遂囊括不仕益閉戶讀書以究其業下筆才思泉湧而詩尤工故因物寄情傷時感事凡有觸于外而動于中一於歌焉發之日增月積多至千餘篇扁其室曰雲松巢而彙因以名焉自先生歿迄今五六十年而瑰詞藻句往往傳誦於世子每見而竊歎之以未獲覩其全集爲恨正統庚申其元孫美從子讀書空明山中閒嘗捧先生遺稿示余請爲之序予發而視之但見其思致精

雲林真詩集卷之二
深詞意豐瞻滔滔汨汨如驚濤怒瀾蛟鼉出沒而可駭
可愕要其所至多有得於唐人大方家之心法而無雕
琢委靡之氣故沉潛反復累日不厭焉嘗因是推之先
生以有爲之才不幸生於季世故形於言者澹然無求
於時而怡然有安貧樂道之志徃徃自放于山巔水涯
以寄其興而模寫雲林泉石之幽以及草木昆蟲之變
雖所寓不全而皆曲盡其妙至於憫時病俗婉詞諷刺
又有得于風騷之遺意焉故玩其詞想其人而知先生
之不遇爲可嘆也使其生於明時而出其所有以鳴國
家之盛豈不偉哉雖然先生之志固不獲自見于世而

其所以傳世垂後者未必不在乎是矧其諸孫咸有志
于繼述而美方以俊又選爲郡庠生異時業成名就以
昭先生之德者尙有待也若然則是集之傳將彌久而
彌彰矣奚待序而顯哉然美之請甚勤有不容于終默
者因書以歸之章陬序

雲木集詩集
賜進士出身禮部主事台郡章陬撰

正統六年歲在辛酉四月初吉

序

初予在樂清咨訪故老得瑤川朱先生希晦而惜其死矣先生當元季有詩名在士夫間而行檢尤峻潔可重時兼使節下甌越者如僉憲宋公學士貢公皆願見儀範以厲士風迨八國朝先生鬚髮皓白動合軌度幅巾短策徐行林壑望者以爲神仙中人也郡邑始行鄉飲酒禮求齒德崇高名實相副足充大賓者而先生居首選予嘗廁翰林脩撰趙君彥銘客席得見梅灣詩八首而楮尾自署姓名惟謹予奉誦再四不能去手因揚摧于衆曰古人謂名下無虛士信然也而每欲見其諸子

雲林先生詩集卷之二
求先生全集以觀未能也閒嘗道經窰吞瞻先生舊第
在叢林間而菟裘有曰永春庵者輒式焉永樂五年秋
余自京師還龍鳴山中而先生之子幽袖出雲松巢詩
集謁余言曰幽先子平生之志發于咏歌者盡在是編
願序以垂諸遠余謂詩自三百篇以後惟唐爲盛唐人
以詩名者千餘家而李杜最著以故後世言詩者率以
李杜爲大家數而宗之今觀是集其颺逸放曠者宗於
李歟其典雅雄壯者宗於杜歟先生可謂善於學詩者
矣惜予不得親見先生以談詩家利病而又慶其有子
能守先生之家學也序而載名其上

遺

雲松先生詩集
賜進士出身伊府繼善前樂清縣訓導天台鮑原宏撰
永樂五年十月晦日

序

雲松先生諫七世祖也以詩名於元季與四明吳主一
簫臺趙彥銘先生游詠雁山中時稱爲雁山三老先生
之詩清麗簡亮不事纖巧感慨咏嘆而有餘思元人多
尙辭而意或不足以是興趣漠然而音節無聞先生以
不求仕進故專心肆力所謂清麗簡亮者鏘鏘乎可以
振唐人之遺響而下視元季之萎弱者矣先生爲人甘
貧樂隱遭亂避地所至多與文士交名山勝境游覽殆
遍自梅溪西轉永嘉之柯村羈旅數年至國初四方底
定然後歸時已老矣有司嘗以姓名畧薦剡不及領

朝命而卒平生不事產業田止數十畝僅供飢粥臨終
令悉入祠堂以奉祭祀雖有五子而分寸無所預以所
作雲松巢詩集一冊端硯一方古本文選一帙付諸子
曰汝可守此毋忘吾素志詩各體凡數千首不能盡刻
錄噫子孫若諫者愚駭不肖安能盡採先生之所蘊而
去取之哉姑舉其易知而易習者以訓吾宗之子孫而
已耳然多清麗簡亮而有格力自可以入大方家而名
於後世矣諫不肖不敢以愚駭辭謹輯成集復序於末云
時

賜進士出身

誥授中憲大夫

江西吉安知府兼署廬陵道七世孫蕩南朱諫謹序

嘉靖七年秋九月 朔旦

雲松巢詩集卷之一目錄

五言絕句

寓興

六言絕句

江村冬日清景

寒江獨釣

雲山僧舍

秋日客懷

其二

其三

七言絕句

西湖

客簫臺書懷

雲山僧舍

秋日和韻

次御史端公遊簫臺韵 寄友

戲簡叔向陳先生朋南阮君

秋懷

酬閒上人

其二

和趙翰林韻

和謝玉堂歸老趙脩撰

夏日山居

次回峰西堂韻

春日有懷

卷之二

淨名寺

酬李適菴

和槐堂李先生韻

喜雨

寄友

周趙脩撰先生韻

寄天則上人

次李二文韻

次回峰韻

五言律詩

寄無際老禪

失雁

秋日詠懷

其三

感秋

軒居

春日自況

次韻答李適菴

次韻答友

次韻懷文

寫懷

感時

其二

其四

時事

傷時

期倪從事不至用韻以寄

答李廣文

次韻答叔向陳君

謾興偶成

約友

簡雪心安上人

簡叔恭蔡先生

春日訪友人

寫懷

春日

次韻謝簫臺葉成翁

上楊指揮將軍

次鄭成翁韻

和李子孝光韻

能仁方丈

劉仲山隱居

其二

其三

其四

野外

喜子泛海上遠歸

歲晏書懷

雁山僧舍中

寄璣上人

山居自况

其二

寄天則上人

其二

其三

其四

贈星士段仲賢

其二

其三

其四

游淨名寺

小龍湫

石羅漢

望樓

其二

春日自况

卷之三

七言律詩

大龍湫

送玉田著作歸赤城

夏日書懷

其二

和習之鄭先生韻

感懷

排悶簡王同善困上人

秋興

其二

寄周廷名

有所思

有感

傷時

時危

悼時

自嘆

憂時

九日謾成

其二

春日謾興

和友人韻

別雲山老禪

別困上人

簡李二丈

與夏彥伯

答沙都事

次韻簡緱山侯德詢徵之二徵士

次韻簡仲謙倪公叔向陳先生

予傷時不古知老將至嘆息成詩呈詩同志

送天衢首座還故山

贈倪仲謙

寄習之鄭先生

懷古寄友

次竹隱二弟韻

簡彥明趙徵君

答璣上人

春晚感懷寄李廣文

次適菴李先生韻

和韻簡天則上人

九日

呈丹霞老禪

次韻謝東白葉先生

訪雙溪上人不遇

述懷寄劉休休居士

營壽壙

次潘北山鄭叔允韻

臘日偕葉東白蔡伯恭登西岑

寄天甯方丈

簡士舉陳教諭

呈浦雲趙脩撰

劉休休病起

寓興

寄適菴李先生

書懷呈同志

用韻簡叔向陳先生

寄李適菴陳叔向二先生

幽居漫興

龍鼻水

飛泉寺

羅漢洞

瑞鹿寺

靈巖

安禪谷

靈峰寺

寶冠寺

凌雲寺

卷之四

古選

憎鷓

和困上人愛松吟

比述

其二

其三

其四

自述

所思

雜詠

上陳員外

和謝一源上人

和簡叔向陳先生仲謙倪公

次本之侯先生

納涼

自述

除夕

嘆世

答東白葉徵士

寫懷

其二

其三

雜詠

自况擬古

其二

其三

其四

自述

其二

其三

山居自况

齒疾

答汪謙之先生

自述寄文

義鶴行

卧雲卷為陳老題

和友人韻

和彥達葉先生韻

冬雨嘆

卷之五

古風

月夜放歌

有感

贈國恕先生客中識面始兄如故

客邸中秋對月

雪夜放歌

秋夜長

寄雲山寺僧人草堂

答元易陳先生

藤杖贈西原道人

簡子文林訓導

五言長律

借韻簡叔向陳先生

次韻自述寄連隱君

答李子孝光

和包原彬韻

次適菴李先生韻

雲松巢詩集卷之一

樂城朱希晦著

七世孫蕩南朱

德判
圖
謙輯

十七世孫熙廷明良授梓刊

寓興

乾坤一旅亭大夢幾時醒白髮無情極春來不再青

山人無別事詩酒作生涯鬢雪空催老何由駐日車

山寺鐘聲歇天寒睡起遲敲冰添硯水發興寫新詩

風塵猶瀕洞江海轉深沉不作乘桴興徒懷擊楫心

江村冬日清景

屋外梅花的磔籬邊澗水潺湲竟夕詩翁睡着不知雪

滿前山

寒江獨釣

翠壁寒雲淡薄滄江老樹蕭疎輸與扁舟漁父一生意

釣忘魚

雲山僧舍

樹暝烟生絕壁瀑流雨洒虛潭他日來尋懶瓚枯禪還

許同參

秋日客懷

百歲光陰石火幾番世事雲萍試問誰人有藥能醫白

髮重青

梧葉聲中夜雨桂花香外秋風巢幕偏驚客燕寄書不

見征鴻

桑落誰家有酒荷衰客子無衣斜日江樓北望涼天鴻

雁南歸

西湖

絲絲細雨弄春晴新水溪頭杜若生我欲與君攜酒去

綠陰樹底聽啼鶯

07241

簫臺書室

有客尋幽踏紫霞杖藜入竹訪仙家相逢不道春光老
門外溪風落棟花

雲山僧舍

千山萬水一枝筇身在烟霞第几重最好雁邊秋色淨
倚天空翠出芙蓉

秋日和韻

溪上危峰亂插空雨晴蒼翠尙濛濛不堪昨夜西風急
吹落半庭霜葉紅

次御史端公遊簫臺

煙鎖千峰紫翠層隔溪幽鳥語相應碧桃花謝玉芝老
不見神仙只見僧

寄友

不道愁中生白髮也知客裏對黃花淒涼正是陶元亮
有酒無錢何處賒

戲簡叔向陳先生朋南阮君

名動竹林惟阮籍氣吞湖海有元龍相逢一醉思茗飲
細故不畱雲夢胷

秋懷

怪底浮雲翳碧空千山秋色入冥濛何當一掃羣陰盡

坐看東方片日紅

酬李適菴

謾笑人生有底忙
讀書堅坐白雲房
孫陽未遇騏驎老
空厄鹽車上太行

酬閒上人

潮退滄江露石磯
生緣千古一天衣
葛藤芽葉依前長
影落長空寒雁歸

和槐堂李先生韻

人生離別將奈何
滄江渺渺山峩峨
山花亂紅江水碧
水流花謝春愁多

江山有待故人來
好向春風酌綠醅
啼鳥聲中春爛熳
雨香昨夜碧桃開

喜雨

稻田渴水十日晴
水車踏轉如雷鳴
老夫中夜喜不極
睡覺枕前聞雨聲

和趙翰林韻

脫却春衫換酒來
深杯勸客壯懷開
生前萬事不如醉
落日烏啼金粟堆

寄友

雨過溪頭鳥篆沙
溪山深處野人家
門前桃李都飛盡

雲林集詩集卷一
又見春風到棟花

和謝玉堂歸老趙脩撰

佳客乘閒訪隱居
旋沽村酒鱸溪魚
燈前忽憶十年事
留宿壺山夜讀書

用趙脩撰先生韻

結屋山中遠市囂
雨餘荒徑長蓬蒿
平生身外無他事
勸客尊中有濁醪

夏日山居

九衢赫赫漲塵埃
車馬憧憧自往來
爭似山人忘世念
枕書高臥竹扉開

寄天則上人

老年衰病藥相扶
豈有神仙碧玉壺
睡起不知春雨過
半畦佳菊沒榛蕪

次回峰西堂韻

孤雲無住亦無依
長向空中自在飛
情素本來無一物
何須惜別更留衣

次李二丈韻

看花醉眼不須扶
花下長歌擊唾壺
回首荒城春較晚
淡烟疎雨綠平蕪

春日有懷

雲松巢詩集卷之二
無邊花柳競芳春
醉眼看來幾度新
今日曲江風景別
落紅飛絮正愁人

次回峰韻

煖日浮烟翠欲消
四山空寂境蕭條
飽參禪老庭前栢
不問劉郎觀裏桃

雲松巢詩集卷之二終

雲松巢詩集卷之二

淨名寺

纔入清涼境
憑高意豁然
山橫烟簇簇
溜滴雨涓涓
靜坐維摩室
微叅達磨禪
奏名人已遠
遺像閱千年

寄無際老禪

萬事不掛腸
把茆還蓋頭
林深從鹿臥
海闊任鷗浮
圓澤三生契
曹溪一宿留
我牽塵業在
衰白總成休

失雁

畜爾經年久
懸知羽翮長
別來應念侶
秋至忽南翔
遠欲摩雲漢
能無戀稻梁
更防機事密
羅網不虛張

感時

陰霾昏日月妖氣塞乾坤戰血流淮水音塵隔薊門浮
榮槐蟻集叢諉棘蠅誼欲效東陵隱終身老種園

又

觸目傷時事干戈鬱未開百年馳白日萬里漲黃埃廢
苑猶花柳荒城但草萊登樓作賦罷不獨仲宣哀

秋日詠懷

老作衡門士長思栗里翁鬢添今日白顏減向時紅滿
地蒺藜雨一天鴻雁風傷心看江水日夜只流東
天地一今古江山幾別離浮雲蒼狗變急景白駒馳老

去猶詩律憂來更酒卮自從絃絕後無處覓鍾期

日月不相貸吾衰將奈何平蕪穠色晚落葉兩聲多劍
斨蒼龍吼書成白雁過自憐爲物役無計入雲蘿

水積神龍蟄林深倦鳥歸星霜時屢換江海志多違蠹
穴生青簡塵痕點素衣西風轉涼冷吹老故山薇

寂寞傷秋晚樓遲任老年醉霜楓葉落飽露菊花鮮岸
幘時還坐看書夜不眠未能尋越蠡同泛五湖船

感秋

時光隨過鳥身世寄蜉蝣漠漠江雲晚蕭蕭塞雨秋杜
陵長戀闕王粲獨登樓故國今戎馬南征尙未休

時事

貧病知交態驅馳愧老身
薊門淡雨雪淮海暗風塵
雖有樓船將能無柱石
臣會須安反側早晚畫麒麟

軒居

何處淨芳襟晴軒俯碧岑
鈞簾除月色隱几快人心
世道有榮辱雲山無古今
吾生何太晚側耳聽虞琴

傷時

嘆息王綱廢由來戰伐頻
周墟半禾黍秦籍總灰塵
鳳去雲霄暮雞鳴風雨晨
至今流渭水空憶釣魚人

春日自賦

江邊雨初過正是踏青時
載酒興不淺杖藜行較遲
日陰團碧樹風煖韻黃鸝
與客恣遊賞醉來還賦詩

期倪從事不至用韻以寄

天地雙蓬鬢江湖一酒杯
不因佳客至爭得好懷開
拄頰看山坐登樓待月來
黎明還送別歌罷重徘徊

次韻答李適菴

泛渚輕鷗並啼霜旅雁孤
地幽心自佚路險意何須
蘭蕙香堪佩茅茨細可誅
榮名安足羨耕釣乃吾徒

答李廣文

不有封侯相安能食肉飛
溪山猶發興魚鳥自忘機
夷

雲莊集詩集卷三
杖看雲去褰衣步月歸驪珠忽在手怪底吐光輝

次韻答友

天地等旅逆利名俱惱人蓬萊三萬里莊木八千春
白積巾中雪紅飛陌上塵人生行樂耳杖履數相親

次韻答叔向陳

之子當時傑人中見不多豫章蟠厚地砥柱障狂波
富貴須行樂棲遲足嘯歌相逢尊有酒莫惜飲如何

次韻懷文

江山供遠眺萬景倍淒清烟樹連秋色霜鐘報曉晴
憂時雙鬢改戀闕寸心明誰識杜陵老長吟涕泗傾

漫興偶成

擾擾貪名者馳驅易白頭江山長不改歲月急如流
且盡一尊酒共消千古愁可憐金谷廢人去月當樓

寫懷

試拂青萍劍頻啣白玉杯容顏不再好笑口幾時開
水滿魚兒出泥香燕子來江山千古意臨眺重徘徊

約友

川岳自今古陰陽相主賓紅塵紛野馬白日少聞人
忽身將老欣欣物自春相知有朋舊簪盍莫辭頻

簡雪心安上人

雲林集詩集卷二
意行無遠近得得扣巖扉鼎出金芽細盤堆紫蕨肥看
雲忘世慮指月悟禪機錯比陶元亮重來盡醉歸

簡叔恭蔡先生

舉世紛讒舌鋒芒不可干驅車嗤阮籍學易慕丁寬試
問黃河險何如蜀道難太平無補報只有寸心丹

春日寄友人

行尋春草徑坐徹白雲扉展席面流水抱琴看翠微紛
紛浮世改落落故人稀尚憶陶徵士柴車日暮歸

寫懷

急景催人老能令鬢有霜清時思俊傑拔萃愧材良鵬

鷓自高下鸛鳥終短長山窗讀書罷靜坐一炉香

春日

春來鋤藥圃客去掩柴局衰鬢不重綠好山依舊青微
名空自絆大夢幾時醒已悟身如寄乾坤一旅亭

次韻謝簫臺葉成翁

市上一區足人間萬事非把杯邀月上隱几看雲歸字
宙身將老山林興不違几時來雁蕩長嘯豁岩扉

上楊指揮將軍

聖主登宸極奎躔爛遠天新開丹鳳詔瑞紀赤烏年山
野搜遺逸朝廷集俊賢老農還喜劇買犢事春田

次鄭成翁韻

鄭老欣相遇杯浮竹葉清江關秋已半山雨夜初晴河
映疎星淡窻懸片月明悠然縱談咲懷抱爲君傾

和李子孝光韻

門外客初到坐聞流水聲看書雲葉亂醉酒燭花明夜
靜河漢白秋高霜露清玄心開一笑詩思忽然生

能仁方丈

山中松桂老濃翠鬱紛紛水壯蛟龍氣風高鴻雁群浮
嵐晴後見疎磬夜深聞却憶龐居士衰年屏俗氛

劉仲山隱居

筠岡頗幽雅吟眺興悠哉白日空中過青山海上來雲
深採藥洞露冷讀書堂却憶舊遊處碧桃花正開
虛齋只數楹嘯傲樂生平枕石身偏冷看山眼倍明霜
松含晚翠風竹引秋聲我亦重來此醉吟詩思清
杖策行山徑披衣坐水亭長松和露碧老桂入雲青適
興杯中物留心座右銘夜闌人境寂一鶴叫蒼冥
舊結茅堂小幽居遠市諠山低天馬立濤急海鯨奔萬
竹翠侵幔四松青繞門此中有真趣終老任乾坤

野外

野外罕人事隱居纔數楹簷深春樹色溪急夜泉聲展

席看雲起開窗待月明由來箕穎客遁世薄浮名
喜子從海上遠歸

檣鳥相背發客子若爲留衣濕浪吹沫舟行風打頭魚
龍爭出沒鷗鳥自沉浮何幸身無恙歸來散百憂

歲晏書懷

有生居白屋無計出紅塵日月雙丸急江山萬象新梅
花疑餞臘柳眼欲窺春何日尋漁父滄江理釣緝

雁山僧舍中

塵飛不到處中有梵王家翠老婆娑樹香浮蒼葡萄花晴
峰虧日月石室闕烟霞無分同禪榻廳泉試茗芽

寄璣上人

別來俱老大綠髮半成霜醉酒思蓮社題詩寄草堂風
塵猶瀕洞江海竟蒼茫笑我爲形沒何年到上方

山居自賦

幽居長寂寞華髮轉蕭疎有夢臥藏鹿無心貪養魚光
陰如電火天地卽蘧廬萬事皆前定從今莫問渠
跳出是非境纔臨夢覺關貪心都似醉好事不如閒隱
几看流水開窻見遠山悠然得真趣一笑且怡顏

寄天則上人

少林真嗣法刹海擅英聲心共孤雲遠身如一羽輕出

塵知不染寓世澹無營料得仙臺上聽簫臥月明
佛祖傳真印誰云妙不傳有身俱夢幻無地不棲禪圓
澤三生石曹溪一滴泉分明眞了悟衰白任流年
子晉登仙後歸來鶴不群花飛雙瀑雪樹冷一溪雲境
寂有禪味心清無俗紛遙知宴坐罷深夜對爐薰
乾坤一開闢日月幾西東稟氣形皆具含靈性本同大
千沙界裏不二法門中落落超今古知師獨悟空

贈星士啟仲賢

前代忠臣後聲名冠古今人中初識面容裏細論心造
化神功妙江湖趣味深朱絃操白雪莫道少知音

藝術知多少先生獨到家吉凶應有驗天壽更無差酒

泛杯中淥梅開裏花相逢成一笑何必問生涯

隱霧藏元豹蟠泥蟄老龍乾坤歸掌握星斗貯心曾談
劇囊無底才高筆有峰瑤溪一杯酒何日更相逢

藝圃須勤習先生早策功星躔知有度物理論無窮香
汎春醪碧花開夜燭紅相看俱白首話別莫匆匆

游淨名寺

七賢峰下路竟曰極幽探烟氣騰金鼎蟾光射水簾岩
花紅灼灼溪樹綠粼粼壁上詩牌滿長哦興倍添

小龍湫

雲松集詩集卷之二
六
湫小猶通海蛟龍此處蟠千年泉自湧六月地長寒霜
氣凋紅葉霞光濕翠巒我來看不足長嘯獨憑闌

石羅漢

見說飛金錫遙從海上來
薛痕封石室松影拂瓊臺
天闊雁行盡月明猿嘯哀
誦經人不見香冷石炉灰

望樓

南樓極虛敞高出碧雲堆
野色侵書幌山光落酒杯
風生猿嘯斷月上鶴飛來
一曲欄干外長松蔭綠苔
月送蒼茫外樓登縹緲
間霞光連碧海雲氣帶青山
夜靜人吹笛秋高客倚闌
淡然忘世事心與白鷗閒

春日自况

眼底春晴好東風三月天
蒲芽纔出水柳色未藏烟
人老讀書倦日長中酒眠
桃花紅浪暖急買釣魚船

雲松巢詩集卷之三

大龍湫

入眼千峰翠作堆。喜尋龍雁窟中來。半崖有日飛晴雪。
一壑無雲吼怒雷。駐錫已知尊者意。揮毫空想謫仙才。
忘歸亭下忘歸客。手弄潺湲坐碧苔。

送玉田著作作歸赤城

江海颼颼萬里身。醉遊隨處樂天真。地無王氣非佳地。
人有方瞳是異人。可恨龍盤遺建業。誰憐魚腹葬靈均。
明朝杯酒還相別。愁送驪駒又送春。

夏日書懷

雲林集詩集卷二
滄江無處不風波。欲理扁舟可奈何。白髮生涯人已老。
綠陰時節雨偏多。杯傾鸚鵡同誰醉。劍拂蛟龍強自歌。
蓋世功名非我事。終期結屋臥雲羅。
池蓮映水錦雲開。遣興微吟酒一杯。日裏柴扉人不到。
雨中茅舍燕還來。年衰漸覺龍鍾矣。身老安能矍鑠哉。
嘆息詩書因懶廢。藜牀坐處半塵埃。

和習之鄭先生韻

愧我才疎齒俊髦。也知文物勝弓刀。松邊展卷白日靜。
柳下繫舟春水高。自昔襟期同鄭老。當今藻鑑失山濤。
憑誰說與觀風使。要活疲民去吏饕。

感懷

自嘆頽然一老翁。十年奔走鬢飛蓬。中原虎鬪干戈滿。
四海人憂杼軸空。葛亮平生恢復計。汾陽材略中興功。
何當遠望春陵郭。佳氣朝來正鬱葱。

排悶簡王同善困上人

流光過眼已侵尋。富貴何須滿塢金。人世自生今日事。
朋交不改向時心。管寧老去常烏帽。元亮歸來只素琴。
記取歲寒同雅操。長松青映柏森森。

秋興

月明何處亂啼鳥。坐久徒憐永夜徂。千里關山雙雪鬢。

百年城郭半烟蕪。穆生謝病先辭楚。張翰知機遠憶吳。
衰晚不如歸隱好。故山隨處且樵蘇。
涼風吹起雁行斜。亂後無書更憶家。却向南陽瞻王氣。
每依北斗望京華。經年思客渾無賴。自古人生別有涯。
歸去只須尋舊隱。青門何地不宜瓜。

寄周廷石

門外曾無長者車。一身奔走豈安居。誰憐杜老長爲客。
我怪洪喬不寄書。烟色春歸楊柳底。雨香紅入杏花初。
溪山咫尺風塵隔。却憶情人會面疏。

有所思

虛聞將帥擁彤戈。勇銳誰如馬伏波。幾處烽烟連夜急。
四郊風雨向秋多。最憐絕漠歌黃鵠。却怪長安壓紫駝。
俛仰乾坤增感慨。悠悠身世定如何。

有感

城東向晚進風涼。思酒無繇入醉鄉。人壽不同天地老。
客愁應共水雲長。滄江風轉蘆花起。舊圃秋深蔓草荒。
安得歸來遂幽意。呼童淨掃讀書床。

傷時

流年華髮兩相催。眼底烟塵鬱不開。太息有人趨玉食。
可憐無地築金臺。城邊向晚黃狐立。海外何年白雉來。

萬事何如一醉好。且須洗盞酌春醪。

時危

初聞羣盜起河北。胡乃流毒江東西。落日空城見煙樹。
秋風滿地喧霜鷲。人忍貪殘作蛇豕。疇能憤切誅鯨鯢。
中興自古須將相。濟時有策安黔黎。

悼時

北風獵獵吹涉塵。天陰雨雪愁殺人。江湖萬頃舞蛟蜃。
山藪千年藏鳳麟。蘇卿使節未歸漢。商皓採芝先避秦。
重華世遠不復見。嗟哉風信何由淳。

自嘆

應詔觀金陵辭歸

邑志

匠石搜林棄散樗。不材何敢玷簪裾。家貧粗有千金帚。
國難曾無一箭書。今日總戎師管葛。明時徵士用嚴徐。
野人不作功名念。欲效陶朱去養魚。

憂時

總憐黃鵠久離羣。隻影孤飛日暮雲。淮海十年流戰血。
楚天萬里接妖氛。淒涼王粲登樓賦。感慨相如論蜀文。
自古英雄亦何限。凡人勤亂樹功勳。

九日漫成

九秋佳節屬重陽。天宇澄清玉露涼。蓬鬢又添今日白。
菊花不減昔時香。江山北望人千里。關塞南來雁一行。

却憶去年行樂處。醉中曾佩紫萸囊。
老去偏驚節物催。烟塵漠漠幾時開。懶將紅葉題詩句。
強摘黃花泛酒杯。醉想參軍曾落帽。傷時杜老獨登臺。
不堪回首成怙悵。吹雁風高自北來。

春日漫興

平生疎懶與誰同。身世颺颺任轉蓬。幾點雪歸青鬢底。
一年春在綠陰中。溪山得趣觀魚鳥。江海分飛笑燕鴻。
琴罷日長無別事。不妨枕石臥松風。

和友人韻

誰能粲玉駐顏光。兩鬢都消鏡裏霜。豈有雉文驅海鯉。
恨無長矢射天狼。十年南國風塵滿。千古東陵草蔓荒。
興發會應尋范蠡。扁舟散髮弄滄浪。

別雲山老禪

風流老禪思不羈。悠然邂逅川水湄。謾笑支郎愛神
素聞玄度能工詩。天闕九重守虎豹。江海萬頃生蛟螭。
棗大如瓜信可食。何時徑往尋安期。

別困上人

鼎食何如飽蕨薇。由來富貴履危機。鶴鳥依舊自長短。
鹿馬至今誰是非。每好問奇兼載酒。那堪惜別更留衣。
人生聚散知何似。風送秋雲一片飛。

簡李二丈

滿地兵塵暗夕烽。可憐憔悴更衰容。故人消息沉雙鯉。
白日光輝轉六龍。適意久拚拈濁酒。發音誰解奏黃鍾。
管甯已向遼東去。欲買扁舟恨莫從。

與夏彥伯

白首相聞非一日。青春傾蓋動兼旬。艱難總爲泛舟役。
羈旅乃得連床親。鳳凰叫月簫臺夜。蚊虻翻雲玉溜春。
此別何時重會面。不堪回首隔風塵。

荅沙都事

尙憶當年羽葆桑。河流如帶繞山岡。男兒墮地四方志。

竹帛垂名千古香。越石枕戈終破虜。蘇卿持節未歸鄉。
慨予疎懶成何事。祇合藏身老墨莊。

次韻簡緱山侯德詢徵之二徵士

幽尋杖策遶林泉。隨處遨遊興洒然。曾向山中招隱士。
欲來海上候神仙。雲深丹灶長瑤草。水滿石池生碧蓮。
薄暮凭欄時送目。白鷗飛雪點江烟。

次韻簡仲謙倪公叔向陳先生

老夫白頭猶眼青。喜瞻北斗聯文星。陳生飯客旣忘筭。
倪子業儒鋤帶經。矯矯龍蛇出大澤。翩翩鸞鳳摩青冥。
方今徵賢急如渴。會見菱帛輝林坰。

雲松集詩集卷之三
子傷時不古知老將至嘆息成詩呈諸同志
涇水何曾混渭流。心忘寵辱自無憂。祇須老執楊雄戟。
且復閒尋范蠡舟。不見越裳來白雉。徒聞蜀嶺過金牛。
由來感慨關人事。回首春風憶舊遊。

送天衢天座還故山

鳳凰山上瞻華蓋。師住白雲知幾重。海日樓臺金翡翠。
天風亭樹玉芙蓉。已經大頂騎馴虎。更向靈源覓卧龍。
昨日遠公會。有約禪餘看雪最高峰。

寄習之鄭先生

人生異路分雲泥。山尊酒綠思同攜。雲色上頭老冉冉。
風聲落葉涼淒淒。南陽深處尙龍臥。北蕩空山惟雁啼。
何日相期遊汗漫。手弄白日凌丹梯。

贈倪仲謙

江海鷗盟幸未寒。曾將尺素問平安。每懷徐孺空縣榻。
却憶逢萌早掛冠。半夜明星連寶劍。九秋清露溢銅盆。
誰能授我長生訣。白日丹成生羽翰。

次竹隱二弟韻

僑居村僻面江郊。又見蘭堦玉樹高。兩袖春風停野騎。
半篙秋水漾漁舸。別來每憶歌棠棣。老去猶聞愛絳桃。
惆悵對床空有約。幾回風雨夜蕭騷。

雲林集詩集卷三
懷古寄友

崑崙峰頂何巍哉五城樓闕天中開坐招洪崖駐羽蓋
笑抱西母傾霞杯古今人世一大夢英雄霸業仍堪哀
銅仙淚潸承露掌野鳥歌上瑯琊臺

答璣上人

岩扉晝靜白雲生一枕松濤入夢清華髮故應知老態
淡交還復見真情參玄已悟三乘法汗簡何須萬古名
我住蕩南君蕩北平生懷抱几時傾

簡彥明趙徵君

羲和鞭日行蒼冥百年世事如雲萍自憐老去鬢俱改

誰道春來愁不勝野岸風微柳花白江津水煖蒲芽青
繪雪紅肥社醅熟几時一到壺山亭

次適菴李先生韻

悠悠身世更何如布褐由來勝錦裾今日歧陽無鳳鳥
秋風笠澤有鱸魚功名底用傳身後道業還應繼緒餘
更好買山深築室相期黃髮老岩居

春晚感懷寄李廣文

玄髮經年已半斑避喧何計入深山我無大藥能醫老
誰有真金肯買閒三月花開翻惹恨幾時酒醉一開顏
別來若有新詩句好倩郵筒日往還

酬申屠翰林

人中至寶識璠璣詞氣颺颺邁子虛五夜南宮曾賜被
十年東觀飽看書賓筵秩秩尊三老祖帳紛紛餞二疏
吳越溪山信清美杖藜隨處勝安車

和韻簡天則上人

涼風嫋嫋晚秋天潮落雙門纜客舡九陌黃塵蓬鬢底
一籬香露菊花邊故鄉鱸膾牽歸思近砌蛩聲攪夜眠
不道分攜成遠別几時林下細談禪

九日

穠晚林臯木葉飛涼風嫋嫋鴈南歸自慚席上看烏帽

不見門前來白衣甕滿香雲醅酒熟盆飛紅雪鱸膾肥
興來隨處堪行樂何日佩萸登翠微

呈丹霞老禪

一簑風雨一漁竿家近梅花涉水灘投報已無青玉案
駐顏甯有紫金丹龐公老去猶耕峴李愿從來久隱盤
自古山林有遺逸敢將各字動天官

次韻謝東白葉先生

三徑歸來細菊斑山人性本愛邱山柴扉半掩紅塵滿
詩句長哦白日間豪氣固應嗤梓澤幽棲不獨羨商顏
舊傳却老方應驗我欲相從問大還

訪雙溪上人不遇

雙澗縈迴石徑微烟嵐分翠濕人衣松林夜靜鶴初睡
花院日長僧未歸萬里雲霄飛錫遠半江風浪渡杯遲
無緣相見空相憶自嘆心期與願違

述懷寄劉休休居士

雲遶青山水遶溪隱居滋味只羹藜春風底事生華髮
暮景何須待紫泥寫罷素書無雁過喚回清夢有猿啼
長安市上多年少賜錦紛紛競鬪雞

營壽壙

在世徒懷身外憂漢家陵墓已荒邱烏鳶奪食終難忍
龍虎圖形莫浪求千載空遺兩翁仲百年同是一浮漚
何如早約柴棗老結社得隨惠遠遊

次潘北山鄭叔允韻

閒來興趣倍清新自愛青山作主賓天上幾時停白日
世間何處避紅塵鶯花滿目娛佳景雞黍全盟憶故人
笑我年衰材較拙敢將一曲和陽春

臘日借葉東白蔡伯恭登西岑

絕頂雲深一徑通寒生短髮怯天風千年物色闌干外
萬井人家圖畫中宿雨亂滋崖樹碧朝曦深浴海波紅
我來欲訪香山社醉酒長吟憶遠公

寄天甯方丈

霜樹蕭蕭萬葉丹誰憐倦客向江干性情每向詩中寫
勳業何須鏡裏看萬里江山秋月老一天星斗夜光寒
近來滿目多荆棘始信人間行路難

簡士舉陳教諭

憶昨天南獨倚樓德星炯炯夜悠悠賈生名重醇儒列
韓愈才高博士流老去囊中無長物由來皮裏有春秋
他年禁直皇居近天祿書多待校讎

呈浦雲趙脩撰

憶昔承恩入禁闈儒林便覺有光輝九重旭日開金殿

五色春雲照錦衣庠序人思三老去都門祖餞二疏歸
歸耕差喜身康健雨足東臯隴麥肥

劉休休病起

買得南山為卜居青松綠竹蔭吾廬日長門巷堪羅雀
水滿溪頭好釣魚脫粟飽時過禁齋杖藜行處當安車
家僮忽報長鬚至喜接平安一紙書

高興

白髮園丁喜種園漫將方法教兒孫土膏有力須培本
鑿鉄無情莫刈根葵藿不堪資鼎食菲菘粗足媚盤飧
吞腥啄腐今何限誰識芳鮮味獨完

雲杉集詩集卷之三
寄適菴李先生

九衢轍跡黃塵滿一隙駒陰白日過俗事絆人清興少
山尊畱客好懷多懸知李白偏能賦却羨秦青最善歌
自古榮名身外事耕雲只合老巖阿

書懷呈同志

今古浮榮不足論一生旅寓任乾坤困謾長千年木
瓠落還成五石樽誰復掛冠辭漢闕客多鼓瑟向齊門
野人自信無機事年老何妨且灌園

用韻簡叔向陳先生

門前車馬紛如蟻草徑幽深肯暫過老去馬唐饒髮白
歸來季子得金多春江水闊魚初上曉樹烟開鳥欲歌
賴有故人相慰藉杖藜數數到巖阿

寄李適菴陳叔向二先生

中年作惡不勝情無復芳尊酒共傾老我韶華如逝水
多君詩律似長城江東千里暮雲合池上幾回春草生
想見凭闌亦清絕陰陰綠樹有啼鶯

幽居漫興

地絕塵喧境自寬溪南山色坐中看竹吹綠霧沾書帙
花發紅雲映藥欄常養泰和知氣壯不求微祿得心安
自從一笑忘魚後年老何曾把釣竿

龍鼻水

誰謫蜿蜒下九天至今蟠屈尚依然蛻形已作千年石
穴鼻猶通一滴泉不向靈湫吹瀑雪却來絕頂卧巒烟
何當大慰豐年望下溉人間萬頃田

飛泉寺

青鞋布襪足窮年物外尋幽信有緣疊嶂攢青摩日月
長松結翠舞雲烟老禪頭白棲岩屋詩客心清飲石泉
結社已輸陶靖節何時來賞遠公蓮

羅漢洞

翠作層巒玉作窩東南自古境偏嘉洞深六月無紅日

地勝千年有紫霞但見瑞華浮茗椀不知濕蘚上袈裟
從來有相還無相雁蕩天台總是家

瑞鹿寺

閒來領客扣禪扉屏障重重護翠微山勢渾如蒼鹿臥
瀑花長作白龍飛筆峰潤濕含朝雨碑刻荒涼帶夕暉
我笑窮幽歸未得詎那何事也忘歸

靈巖

山風吹客思冥冥策杖經行酒半醒夜枕白雲眠絕壁
晚看紅日落滄溟展旗倒影連天柱卓筆含鋒掃石屏
穩駕雙鸞下霄漢愛他玉女笑娉婷

安禪谷

塵世元來着脚難箇中椽栗足充餐浮生但覺烏蟾急
靜坐不知風雨寒一壑秋聲春石榻四山暝色擁蒲團
老來出定寂無伴笑看舞空雙紫鸞

靈峰寺

禪錫何年去不回空嗟遺像老岩隈山川入眼無今古
猿鳥忘機自往來老石橫空橋始架寒潭磨月鏡初開
明朝我欲看芝草攜手須登五老臺

寶冠寺

何年神斧斲嶙峋入眼依稀跡尙新屋外千山浮翠靄

門前一水截紅塵寶簪似欲橫雲髻石鏡猶疑掛月輪
草滿仙壇人不見相應騎鶴去朝真

凌雲寺

秋晚登臨興頗濃杖藜得得遠相從雨岩映日珠璣碎
霞障和煙紫翠重地窄不嫌僧種竹天寒初喜鶴棲松
憑誰爲倩王摩詰寫出東南雁蕩峯

雲松巢詩集卷之二終

雲松巢詩集卷之四

憎鵑

吾聞返哺鳥至孝有純德鳥中比曾參傳誦人皆識又
聞馴化雉翔集在咫尺陌上隨行車飲啄自朝夕嗟爾
蜀望帝愚暗亡其國遊魂化爲鵑物理同莫測一身尙
羈孤羽毛亦虛飾生雛百鳥巢螻蟻竟飽食春風口流
血有恨啼不息侯門涕筌竿豪客紛彈射豈不思南歸
奮飛摧短翼何如雉與鳥飛鳴隨所適

和困上人愛松吟

衆木與時謝孤松自寒色深根遠莫移老幹益增惜溪

雲林集詩集卷四
頭有餘地。塵外頗幽寂。手種一萬株。心期二千尺。風雲
歟交會。雨露寢生息。他日此盤桓。清陰覆泉石。

比迹

軒轅初鑄鼎。鼎成乃登仙。龍鬚不可攀。白日飛上天。嗟
予墮世網。安得窮山川。鼎湖渺何許。悵望秋風前。
寶境何團團。光輝瑩冰雪。疑是造化炉。神工初鑄出。又
疑廣寒宮。飛墮一片月。照人不照心。紅顏易衰歇。
彤弓如半月。力挽工石強。戡亂乃見用。囊鞬甯久藏。應
弦不虛發。狐兔敢當疇。能挾長矢爲我殪。天狼
東南有美箭。出自稽山竹。初發號哀狼。再發落飛鵠。憶

射聊城書功成一何速。賢哉魯連子。千古仰高躅。

自述

老鶴復老鶴。籠中稀飲啄。豈無萬里心。高飛向寥廓。
君看堂中燕。差池自雙飛。一朝秋風起。巢空何處歸。
驅車出城東。禾黍生故宮。君看兩銅駝。臥此荆棘中。
驅車經北邙。悲歌淚如水。君看塚纍纍。埋沒蓬蒿裏。

所思

鸚鵡本聰慧。不與凡鳥同。因以巧言語。何由脫樊籠。
百舌復百舌。間關弄春晴。護臣在君側。巧語誰爲聽。
門前好楊柳。春風搖綠絲。花飛亂白雪。青春能幾時。

雜咏

戶樞動不朽。源水流不濁。脩身保天倪。味道得真樂。
北叟塞上馬。秦人宮中鹿。語默知是非。得失見禍福。
嗟彼橫江鯨。一朝着釣餌。何如五總龜。曳尾泥塗裏。

上陳員外

荆山鬱嵯峨。屹立高攀空。光輝韞奇璞。瑞氣成白虹。草
木借餘潤。飛雨青濛濛。懸知有至寶。追琢煩良工。連城
未易酬。美價璠璣同。行將獻天子。持入光明宮。

和謝一源上人

道人來蜃江。移席秋夜深。天高明月出。清輝浴波心。道

人來雁蕩。懸錫青松岑。瀑布落晴雪。烟霏生夕陰。謝公
去已遠。遺跡誰能尋。詎那宴坐處。千古開禪林。蓮宮聳
突兀。布地皆黃金。何時一洗耳。試聽穎師琴。平生屐幾
兩。亦有山水淫。懸知羣鳥中。有此孤鳳音。行當謝世事
與子同浮沉。

和簡叔向陳先生仲謙倪公

我家雁蕩南。嘯傲雲松下。平生伯牙絃。不恨知音寡。晚
交倪與陳。任苒几寒夏。騏驥日千里。鼓車豈合駕。緬思
昌黎公。低頭拜東野。文潤三峽流。毫端恣揮洒。奮飛既
胡越。有懷不可寫。新詩來啟予。滄海珠盈把。於時月露

雲林集詩集卷四
清竹葉灑金罍遺音鏘釣韶古意薄風雅遙瞻德星聚
炯炯光照夜漢廷方渴賢平步登金馬譬如磊砢材匠
石豈云捨甯爲汲黯慙無效齊王假披肝見精誠結舌
類啞啞古來英雄人起自耕隱者

次本之侯先生韻

惜昔抱長劍去作東南遊緱山高刺天翠遶藏書樓脩
竹淨三徑往來唯羊裘倉龍未變化紫鳳曾棲不上攬
明月輝下盼滄江流酒酣發長嘯萬籟生清秋別來難
再晤奈此人事稠每懷招隱處桂老山更幽隱士不可
招援桂聊淹留賦詩且自樂斗祿烏足謀

納涼

無事解衣坐超然心境空深林翳炎日萬壑來天風閒
停白羽扇試拂朱絲桐醉罷不知夕月生滄海東

自述

槿花不終朝幽蘭有餘香朝遊詩書圃夕憇翰墨場飽
食待秋實過眼捐春芳疇能事形役奔走白巾忙男兒
生墮地壯志在四方胡爲守一室鬱鬱徒悲傷何由寫
胷臆酣酒竭罍觴高飛羨黃鶴矯翮凌雲蒼

除夕

麒麟在靈囿瑞世爲禎祥五蹄而一角形類非犬羊西

狩不得時折足遭鉏商宣尼空悲嘆涕淚沾襟裳

嘆世

乾坤一開闢日月常往來朱顏不再好白髮轉相催曠
視藐萬古榮名安在哉遁世有餘樂何必求蓬萊

答東白葉徵士

至寶唯人材所寶非金璧緬懷古聖賢頽仰流汗赤龍
媒日千里遠道如所適一鳴萬馬瘖見之皆辟易伯樂
雖相知不辨黃驪色斯人去我久千載猶旦夕偉哉東
白翁平生數親炙南望吹簫臺矯首空嘆息何時一相
見斗酒澆曾臆醉酒且勿言中心期飽德

寫懷

人生有分定胡爲亂天常尺土乃培塿散樗非棟梁觀
魚慕莊子御馬思王良丈夫貴知己鬱鬱徒自傷
野老何愚庸團形從大塊林居玩清景悠然與心會佳
菊沒榛叢幽蘭伍蕭艾歲晚冰霰交見之增感慨
巢居不厭客況乃佳客至擷蔬薦濁醪談經得真趣歸
雲度遙岑斜日在高樹對飲須盡歡何時復相遇人生
能幾何行樂貴適意不見萍與蓬颺颺無定處搔首仍
踟躕臨風發長喟

雜咏

雲林集詩集卷四
威鳳脩五彩羽毛一何奇
剡葉長風起誤落天南垂
朝食瑯玕實暮栖瓊樹枝
行當凌八極斥鷃焉敢窺

自况擬古

風波在平地世路幾瞿塘
懷哉賢哲人千載能留芳
懸知蕭艾多不比猗蘭香
老翁聊自嘆髮短心甚長
羲和鞭六龍白日不我待
讀書竟無成坐惜朱顏改
長安誇鬪雞豪華豈長在
何由得成仙高飛向蓬海
人生天地間倏若塵棲草
恨無大藥資容顏豈長好
白璧終銷毀青松亦枯槁
飲酒且放懷母爲嘆衰老
隱士居邱園衡門守荒寂
啜菽甘有餘飲水清無極
嗤

彼夸毗兒浮榮定何益
梓澤今已空春風蔓茨棘

自述

吾聞漢中郎琴斲焦桐尾
繼以朱絲繩遺音中宮徵
上絃操白雪下絃彈淥水
世無賞音人誰能一傾耳
狂世等浮雲變態何紛紛
龍媒行萬里恥與駑駘群
自從周道廢雅頌不復陳
願言繼先哲千載垂清芬
羣書日夜讀往往皆陳編
何如窮物理朗悟心中天
坐來萬想滅靈府何倏然
所思在良友使我長悵悵

山居自况

嗟予任疎懶落落負明時
元髮倏已改素心終不移
焚

香讀周易觴酒調朱絲所樂在冲澹浮名良可嗤

齒疾

我今老將至輔車邀病魔一語不出口終朝臥林阿退
之念脫落幼輿能嘯歌蔬食滋味少嚙嗽津液多眼明
幸讀書流年任蹉跎

答汪謙之先生

江城滿樓臺月夜吹笙簫神仙集華蓋鸞鶴來丹霄中
有羽衣客舉手欣相招扶桑朝出日溟海秋翻濤一身
藐八極御氣時遊遨悠然視天宇萬古同沉寥却思臥
元圃天雞弄嘒嘒饑餐金光艸渴飲玉卮醪何當乘清

風躡鯉隨琴高

自述寄友

十月天兩霜木葉半凋瘁巨海增波瀾群峰獻蒼翠身
居一窩中意出萬象外喜聞古人言頗勝俗客對設席
羅酒漿未飲已心醉曜靈急西馳盛年豈能再送子纔
出門天風舞蘭佩

義鸛行

林深結暝色蒼翠搖烟霏維時春夏交衆鳥巢高枝於
中有雙鸛卵育常及時春鉏亦有託旦夕欣相依雄飛
遠求食雌來哺其兒啁啾聒人耳坐厭腥風吹群雛半

黃口翅短爭習飛間或遭彈射滋味焉足奇弱者強之
食感慨徒傷悲海鷹何從來鷲猛一何酷騫騰復盤旋
意欲飽飢腹老拳不空施利齒貪食肉鸛兮善護巢飛
鳴爭驅逐鷹兮雖善揚饕饒豈知足鳥雛賴生全脫禍
免荼毒扶弱在抑強足以厲風俗豈不見兄弟怒鬪墻
夫妻讎反目恤憐當救災敦姻須睦族禽鳥尚急義人
情何反覆吾言非箴規履行宜自勗

卧雲卷爲陳老題

吾聞神仙入中有希夷子冥棲華山顛高臥白雲裏

和友人韻

孤桐生高岡幽蘭出深谷雨露含碧滋烟霞媚幽獨佩
惟楚客劔琴待良工斲嗟彼春風前紛紛艷花木

和彥達葉先生韻

姬周得天下亂臣纔十輩王綱一解紐政教何茫昧宣
尼抱麟泣此意誰能會從來六籍灰文風委蒿艾窮兵
尙專征豈識苞桑計故國悲黍離日落寒雲翳吾聞昔
盛時萑莢生堯砌

冬雨嘆

癸卯冬十月海陬氣候偏風南忽風北寒燠非常年縕
袍御還脫長筴揮不捐樹爲黃落時花卉紛爭妍虫鳴

雲松巢詩集卷之四
應蟄戶虹見飲長川兼旬苦霧密暝與癡雲連深泥汚
后土行潦凌高原農夫輟耒耜空嘆心悁悁二麥不得
種饑坑詎能填格鬪况未息中原擁戈鋌天家重租稅
瘡痍誰能憐安得倚天劍一掃開青天金烏任騰翥出
自扶桑顛陽光照六合比屋俱歡然

雲松巢詩集卷之四終

雲松巢詩集卷之五

月夜放歌

海雲捲盡明月來天光鏡碧無纖埃嘯歌於此興不淺
美人坐對飛瓊杯碧桃花香夜初靜露滴衣裳怯清冷
安得兩翼飛上天爲渠拂拭山河影乾坤一照越光明
就中殺却妖蟆精上訴天公契人意免教朔望生虧盈
元霜搗成誰可食好向仙娥問消息服之到無飢渴
贏得讀書眼若碧

有感

君不見千里馬有時困羈勒不遇九方歎龍文更誰識

雲林集詩集卷五
又不見五彩鳳有時鍛羽翮不如鷲與雞聚族自爭食
人生遭輒軻俛仰猶今昔賢有不黔突聖有不煖席聖
賢何栖栖我獨何側側但恐白日沉年光竟虛擲乾坤
等遠廬壽命非金石願餐不死藥蓬瀛杳難覓乘化復
奚疑委心任所適故國遺銅駝秋風暗荆棘霸圖有興
衰人事無休息矯首望歸雲鴻飛楚天黑

贈國恕先生客中識面始見如故

先生卜築依林藪編蓬爲門甕爲牖心造羲皇太古前
道傳鄒魯千年後隱遁甯非鷓冠流龍鐘已是龐眉叟
子真谷口自耕岩中散山陽空銀柳平生視世一浮埃

富貴於身復何有牀上長堆元晏書尊中滿泛柴桑酒
興發揮毫黑電飛粲粲驪珠驚落手成詩不啻萬人傳
吟罷如聞百靈走五嶽之中泰華尊下視羣山皆培塿
我因流寓偶相逢識面便是知心友鬻然和氣卽陽春
徒爾芳年映衰朽劇談不了清夜徂光動文星逼南斗
人生會合良有時嘆息歡娛豈能久起來擊劍爲君歌
歌長劍作蛟龍吼明朝別去遙相思渭北江東幾回首

客邸中秋對月

去年中秋秋月圓浩歌對酒清無眠烟霏滅盡人境寂
仰看明月懸中天今年客裏中秋月靜挹金波更清絕

雲松集詩集卷五
可憐有月客無酒。不照歡娛照離別。夜闌浙浙西風涼。
月中老桂吹天香。悠然長嘯動歸興。坐久零露沾衣裳。
浮世悲歡何足數。庾樓赤壁俱塵土。風流已往明月來。
山色江聲自今古。

雪夜放歌

羲和羲和鞭六龍。白日西飛凡時歇。舊年已去新年來。
苦壓兵塵尙騷屑。嗟子流寓客未歸。年老思家心欲折。
江雲黯慘北風來。一夜兩花吹作雪。夜長祇有夢還家。
夢破衾稜冷如鉄。起看宇宙絕纖埃。彷彿三山白銀闕。
群陰漸滅陽氣回。柳眼舒春草芽出。君不見漢袁安僵。

臥閉門膚欲裂。一朝富貴來逼人。經邦論道稱才傑。又
不見唐杜甫饑走荒山。淚成血致君有術。徒自憐布褐。
許身侔稷契。我今齒落百不堪。况乃疎頑臨事絀。願銷
兵甲事春農。四海清平萬民悅。

秋夜長

秋夜長不成寐。床前月光白如紙。歌窈窕懷清冷。夜中
怪底荒雞鳴。倒裳起舞感慨作乾坤。無處無戈兵空山。
孤鶴更清唳。憂懷欲寫茫無際。坐看黃葉墜。我前零露
溥溥下庭砌。明星爛爛銀漢橫。銅壺滴滴刻漏長。事殊
興極聽轉悄。夜如何其渠未央。秋夜長長如此年來誰

識征夫苦忍拋兒女戍邊城婦事姑嫜應門戶嗟爾羣
棲鳥繞樹徒驚飛豈知孤鳳皇集彼朝陽枝可以舞簫
韶啣瑞圖一四海混八區鳳兮鳳兮覽德輝鳳兮鳳兮
覽德輝

寄雲山寺僧人草堂

白雲深巖巖青山鬱嶽嶽道人無住着奈此青山何山
中草堂花映戶禪味由來最清苦嗟余寥落徒相思身
絆塵緣仍遠阻李鄴侯倪懶瓚平生道氣長塞芻法中
老將人中雄曾翻硯水作元雨號令神物驅蛟龍揭來
談笑九天上坐使六合生華風蒼生戢戢俱在甄陶中
公今顧我如有意會飛杖錫凌蒼空

答元易陳先生

人生自古多離別尺書遠寄何由接短世光陰過隙駒
坐覺朱顏易衰歇君看喬嶽千尺松挺立蒼然傲霜雪
風來彷彿蒼龍吟六月清寒換炎熱種花雖榮不足論
朝開暮落香已絕只今尙憶江湖遊扣舷一歌寬我憂
腰間老劍欲飛動紫氣鬱鬱清月樓虛名役人浪自苦
黃塵兩鬢風颼颼千古乾坤等逆旅百年生死全浮漚
君不見鳴夷子功成去養魚千頭

藤杖贈西原道人

雲村集詩集卷五
山人贈爾藤一枝怪形偃蹇如蛟螭平生邱壑我所愛
魑魅驚走安敢窺梓潼當年贈桃竹書閣照夜然青藜
吁嗟古人今已遠能無此物相扶持趙州八千始行脚
芒鞋健步雙龐眉登山涉水覽幽勝意倦未必忘歸期
舊傳化龍不復見能解虎鬪安足奇吾師履行極平坦
世人方寸生九疑雲山住處本禪寂猿鳥爲伴真相知
大千由來在脚底要探理窟窮元機鼓枻還從甬東去
出門一笑孤雲飛

簡子文林訓導

東風落盡辛夷花遙憶美人天一涯美人久別音信杳

相見只今雙鬢華山房幽深市囂遠白日枕書眠碧霞
崖高瀑布洒晴雪淨洗石鼎烹春茶平生青紫不掛腹
榮名絆人安足誇當年我來訪遺跡拄杖看雲着雙屐
玉簫吹斷鳳不來但見干峰倚天碧臺前日夜溪水流
金星光動溪中石脫身擬欲恣幽棲坐佔瓊臺煉金液
衰平誤墮塵網中齒豁頭童竟何益

借韻簡叔向陳先生

干戈尋滿地愁殺杜陵人雲蔽青霄日風揚碧海塵積
骸腥血滿飛檄羽毛新倦坐凭烏几長吟岸白綸擁麾
思宿將伏闕憶忠臣何日集羣虜餘波澤四民朝廷安

雲松集詩集卷五
反側草莽足容身會見詞郊廟歌詩薦白麟

次韻自述寄連隱君

林下棲遲好一窩
天地春流年催白髮隨
分守清貧伯樂能知馬
鈕商不識麟素琴常挂壁
黃卷久堆塵交友慕徐穉
從人嘲子雲世情多反覆
道味獨醇真田野皆禾黍
溪流半藻蘋白雲間伴鶴
明月靜窺人醺酒能無醉
論文會有因相期遊汗漫
垂釣漢江津

答李子孝光

群雞溷野鶴意氣獨昂昂
誰料風塵裏能逢白玉郎
雙鳧俱比鷦一雁復南翔
久別何須嘆相思豈易量
才名

過沈鮑制作擬班揚笑我人才拙何殊襪線長

和包原彬韻

旅食京華日鶯啼上苑春
魯連惟仗義范叔不辭貧
絕域來龍馬清時出鳳麟
襟懷開霽月談笑接清塵
滄海三株樹青霄五色雲
酒傾香味別詩寫性清真
吳地追遊好家山入夢頻
烟花如媚客風月似留人
男子生何幸朋交素有因
遙知理歸楫隨處覓通津


次適菴李先生韻

價高由少室望重自元紘
奕世遺簪笏清時識鑿衡
文章尊賈董知勇美黥彭
圭璧含餘潤瓊篋協正聲
獄分

雲松集詩集卷之五
嵩峻極源出涓流清賓館隣巢幕侯門耻賢鯖平生敦
夙好俊逸藹芳名律已綱常正填心道義精鶉懸衣可
結毫健筆能耕詩壘時堅壁詞場夜砍營別來常慕蘭
何日遂班荆紫氣甯臨顧函關在候偵風姿勞我夢月
旦與誰評栢厲凌霜掾葵傾向日誠朝廷嚴戰伐川澤
困漁征羣豎兇猶滑諸公憤不平器歆回滿覆弔弛在
排漿潛待木牛運功湏汗馬成輪雲知變態金石見交
情烟瘴連淮海風塵隔薊成行當洗兵甲且復酌杯鎬
擊壤歡農父傳書走价伴山林聊自逸猿鳥不須驚鳳
闕瞻佳士雞窗憶舊盟蓬蒿棲仲蔚松菊媚淵明琴調
朝飛雉笙歌午轉鶯乾坤萬里在寒暑四時更愁髮長
千丈吟髭白數莖窮居仍野處坎止任流行相去如胡
越思君太瘦生

溫州府

四



溫州府志卷之五

溫州府 印 文 館